

道光遵義府志

遵義府志卷二十四

學校三

各州縣

書院考棚附

遵義縣

明平播設縣學生員附府學萬厯三十六年知府孫敏政方請建四縣學

廟儒官候命下興工

孫志

後未果

國朝康熙八年四川巡撫張德地至遵勘木生員何天章張元昱等呈通判署知府馬御世詳請題奏建學奉旨俞允知縣端曰敬令生員冉文亮卜地於城南二里湘水上金鐘山下朱氏廟創毀五楹祀

先師勒石以記按記今二十四年知縣陳瑄增建如制四增

配十哲龕建東西廡各三楹及龕主戟門櫺星時以

夾石牆垣階級丹雘煥然復建東西庫貯禮樂器經

書史籍左為敬聖祠轉左為明倫有記陳志按

堂堂後讀書院左右立程氏四箴有記記今亡

十年知縣邱紀重修記有五十五年知府趙光榮捐資

增建貴州通志乾隆十七年知縣段藻二十六年知縣王

錫蕃三十九年知縣羅存惠四十八年知縣楊紹武

並補修心齋隨筆道光四年知縣武占熊議重修知縣許

華銑王銑繆玉成相繼閱五年而成有王青蓮記備

崇聖祠在大成殿後

名宦祠在大成門左

鄉賢祠

在大成門右

節孝祠

在崇聖祠右

明倫堂

在崇聖祠左齋舍射圃並未建

尊經閣

在大成門前左

按州縣貯書較府學少十三經注疏十七史宏簡
二錄餘悉同

祭器庫

在大成門前右並與文廟同建貯禮器鉶

三十三簠簋各百三尊十爵百九十二籩豆各四百

十二鐙一樂器未置

教諭署

訓導署竝未建借寓府學前左文昌宮旁公舍

學田 康熙五十六年知府趙光榮置一在通六甲

一在永三甲一在清三甲歲共納米十三石一斗三

升五合一在樂又九甲歲納租銀九兩四錢五分一

在大七甲歲納租銀三兩除納條糧■兩■錢■分

餘助教諭訓導俸米■上竝同

王青蓮新修遵義縣學記兩漢循吏先文翁文翁

之爲蜀郡也仁愛好教化起學官於成都市中每

出行縣學官諸生明經飭行者與俱吏民爭欲爲

學官弟子繇是大化比齊魯焉至其後益州刺史

王吉宣布風化作中和樂職詩帝依鹿鳴之聲習而歌之王褒何武因以上聞宣帝召見賜之幣帛故其時若長卿次公子淵子雲之倫皆以文章治行擅譽西京則文翁之雅化與王吉之風規有以倡導之也遵義爲巴蜀舊壤我

朝雍正

六年始改隸貴州縣城南舊有學宮歲甲申關中武昌侯來蒞斯土見其年久失修集邑人商度乃就高敞地更建益恢宏其規宇繼許王二侯咸捐廉倡率因費煩工鉅未觀厥成洎繆侯兩任斯邑乃益勤勸募以葺其事余以宦遊吳會未克躬勸

畚築之役僅遠寄俸錢五百緡以佐犒需今邑人
書來咸云向之大成殿東西兩廡之曼迤者今皆
崇隆巍煥矣向之奎文尊經兩閣之蠹敝者今皆
峨聳輝映矣向之明倫堂鄉賢名宦諸祠與夫垣
墉閤閤之湫隘者今皆壯麗宏敞矣余雖遠隔數
千里而想像盛美豈不禁歆感繆武許王諸邑侯
及同人之相與黽勉明作以成學校之鉅觀而肇
人文之蔚秀也地本蜀壤意此黌序之新將必有
文章治行如長卿次公子淵子雲者出於其間而
吾邑人之頌繆武許王諸侯比于文翁王吉之流

風遺愛者固未嘗一日忘矣遂爲誌其巖略如此
至董役姓氏與捐輸數目并締造落成之歲月木
石工匠之規爲則別勒於石庶有可稽云

碑刻

正安州

州有舊學遺址在唐都壩相傳爲唐時建學處明萬
曆三十年知州郭維屏建于城南門外一里許三十
六年府同知署州事詹淑改建于城內州署右止因
舊楹柱堅正殿祀

先師餘未之及三十七年知府艾應甲增建如制

兩廡六楹戟門

三楹櫺星門

時以夾石鑿泮池

左爲明倫堂下

列博

文約禮齋學正署後爲啟聖公祠外爲學門表以坊

志孫今圯陳志明季州屢遷學亦屢徙

國朝康熙

按原作順治誤今改以

十八年遷治古鳳之右

學正訓導僦居民舍三十一年知州胡世藻始建

先師廟四十一年知州汪曾垣重葺設

聖賢木主六十一年知州邱聖臺增建東西廡櫺星門雍

正四年知州李喬林增設神龕定位次復新丹飾嘉

慶五年知州素隆額哈通阿楊皋亮相繼遷

廟於州治北門外建正殿崇聖祠兩廡大成櫺星門泮

池宮牆明倫堂名宦鄉賢兩祠十四年知州董澈增

布丹墀甬道石完內外宮牆十六年知州趙宜霖葺

易殿瓦階磚十七年夏買旁地以護廟址增築明倫堂牆垣冬復葺祠廡門牆之未竟者正安志道光十一年知州韓淳議仍遷于城內櫺

崇聖祠 在文廟後

名宦祠 在

鄉賢祠 在

明倫堂 在文廟側

尊經閣 在

祭器庫 在

學正署 在鳴鳳書院右

訓導署 在文昌宮左二署竝乾隆十一年學正陳清請建皆東向

學田 正安向有山廠租穀爲文廟歲修用以租徵于歲科新進儒童人納銀一兩存學添補後因新生貧富不一納者半絀遇有修葺費常不足嘉慶十四年冬知州趙宜霖查得閑款銀五十兩當王榮小寨田十九年核定每年納租銀五兩存充修葺之用

並正

志安

桐梓縣

明平播次年知縣王桂于縣治左建

先師廟

正殿三間左右翼室各一東西廡各三間後配

從主列如制唯學官方議設生員附府學

孫志

國朝來廟無竝圯康熙八年巡撫張德地請設儒學知縣

賈國樞復建于舊址前百餘尺增基三尺

正縣後為

前為儒星門左為明倫堂旁為訓導署泮池在城隍廟側自學宮至縣署倚山一帶皆學街基六十

年知府趙光榮知縣徐志培遷大成殿于爽塏

州按貴

志云學在爽塏直以爲地名誤也移泮池于甬壁外雍正元年知縣

楊企慎復建啟聖祠兩廡櫺星門名宦鄉賢祠十二

年署知縣鄭廷颺率增內外宮牆大成門葺明倫堂

桐梓

志

乾隆二年知府蘇霖泓知縣鄭廷颺增建魁閣于左
此後修補未詳嘉慶九年署知縣謝用淳補修道光
五年知縣朱德遂率捐重建

大成殿兩廡崇聖祠十六年署知縣陳鏊復率捐重建
大成門櫺星門泮池鄉宦兩祠魁閣復于殿後左增
建尊經閣宮牆外右增惜字閣增外門有知府平翰
記

崇聖祠 在大成殿

名宦祠 在大成門左

鄉賢祠 在大成門右

明倫堂 在教諭署前

尊經閣 在文廟後左

祭器庫

教諭署 桐學舊附府明崇禎末分建縣學桐始有

學而無署

國朝康熙二十三年知縣賈國樞始建學署于文廟左

桐梓

賈志旋圯學官賃民房以居雍正七年知縣邱仲胆建

教諭署于廟左訓導署于廟右各三間

桐梓邱志

知縣鄭廷颺築圍牆戟門建明倫堂兩學署竝改建

于廟左道光十一年大水多圯十六年知縣陳鏊移

建明倫堂于高爽處去舊址十丈許堂後爲教諭署
堂左爲訓導署各正房三間耳房三間

訓導署

學田

詳未

蘇霖泓新建桐梓縣學魁樓記人才之振興由於
風氣之轉移而成於政事之修舉

聖天子崇重儒術加意膠庠塞異途而開賢路選用文學
侍從之臣拔茅連茹登進而鼓舞之至於漸磨涵
濡旣久而一時良有司又能樂育長養凡有關學
校者不憚締造經營爲左右文明之舉故不特通

都大邑多士雲蒸卽荒陬僻壤風氣頓開人才亦
駸駸乎其日上桐梓縣治在古夜郎城南猶有唐
李太白之遺跡其地險以峻其土樸而醇絃歌之
聲必待學道君子嘉興鄭念哉以孝廉蒞茲土著
有循績志在起衰振靡栽植菁莪因

學宮規制

未備欲率作以興厥事乃以予曾建綏陽魁閣
是科卽有掄元之士連捷而入史館如響應然遂
與桐人士議建魁閣乞予往度形勢得學之巽方
爲文筆所宜指畫既定鳩工庀材衆力畢舉數月
之間岑樓崛起高可凌霄洵鉅觀哉予惟桐學坐

子向午瀘水自寅左旋入辰丙丁所會而巽地文
峯屹立與虎頭山相映照氣象崢嶸煥然更新當
有傑才附青雲而上之是秋丙辰恩科登賢書
者二爲前此所未有科名迅發捷於缺間人皆曰
令尹之力也令不肯居讓之太守太守不敢自以
爲功則舉而歸諸垂象之神然而神非人不靈所
以培養而作育之者是在良有司奉上德政俾
聖朝聲教訖於遐方日新而月盛焉則更望諸來者冊
平翰重修桐梓縣學記今天下郡縣莫不有
聖廟所以爲人心風俗根本也桐梓居貢州北徼地隣

於蜀風播未平之前其邑故無學明萬厯辛丑邑令王桂始於縣署左創建

先聖廟迨

本朝康熙巳酉川撫張公始

題設重建地仍舊址至辛丑邑令徐志培始遷建今地

雍正癸丑邑令鄭廷颺復增修之至今垂百餘年矣文安陳君鑒以道光丙申夏來宰茲邑初至謁廟則蓬榛充階葑草塞堂俎豆莫措拜跪無所周視未旣惻焉疚懷曰茲且不舉曷爲令曷爲士民聿割廉俸倡之更建我土我庶旃焉景從凡七閱月事

事如制更以羨餘爲明倫堂爲尊經惜字二閣奉魁星祠建鄉宦皆次第葺功今夫桐梓無平原沃壤之樹藝無富商大賈之經營其地故貧甚聞昔謀更建有年訖不就事非以其經費不繼邪得陳君董倡之七千金之費不憂其絀且有贏餘前此積難易如振葉茲可見同然之好不絕於人心是在爲民上者以誠導之耳中丞聞而嘉之爲上其事竝始終佐以成事者皆乞

予議敘此自大吏獎勵之爲非陳君意也陳君乞余撰記俾來許有所稽因思

聖廟爲人心風俗根本地余始來守播卽遍告所屬首當
培此根本今茲落成獲往觀焉四民莫不欣然以
爲相詔相勉蓋由此各期於善良矣遂爲記其修
建之詳如是是舉也終始佐陳君成事者本縣教
諭蕭君時馥司出納督工匠勤慎無間者本縣廩
生傅懷芳耆民龠元升例得具書刻

綏陽縣

明平播後五年知縣詹淑始議擇縣之中街右地置
學立

先師廟有記

擬中爲正殿前左右爲東西廡爲名宦鄉賢
祠爲戟門爲櫺星門殿後爲尊經閣爲敬一

亭爲祭器庫庫西爲明倫堂爲進德修業齋唯學官
又西爲教諭訓導署爲省牲所爲泮池射圃

方議設生員尙附府學縣志

國朝順治八年知縣鄒宗彥因舊學傾圯權遷學右略

仿舊制草草修建簷楹卑小尙待遷復康熙八年巡

撫張德地題請專設陳志二十八年知縣張景建於舊

址五十四年知縣支神駿重修五十七年知府趙光

榮增修雍正三年知縣黃燾世增建崇聖祠訓導孫

光祖葺明倫堂十年知府蘇霖泓知縣唐椿訓導王

琨正安知州張元鈺共建魁閣於左以補山闕有學

政晏斯盛記乾隆二年椿復理泮池建橋甃石綏陽志

四十五年三月爲雨雹所損署知縣武璋以學租葺之此後補修未詳道光六年知縣張夢驥重建


崇聖祠 在大成殿後

名宦祠 在大成門左

鄉賢祠 在大成門右

明倫堂 在文廟右

尊經閣 未建經籍全佚

祭器庫 在  貯禮器登一鉶七簠簋二十邊

豆各四十鑪一瓶二 嘉慶以來缺壞幾盡 樂器未置

教諭署 在明倫堂 

訓導署 在文學左

學田 舊田一在城內學垣租穀七石一在金一甲
雲臺閣租穀十一石土租銀一兩二錢一在金一甲
田垣租穀二十石一在金一甲金子垣蓮池村租米
一石一在金二甲葉家庵租穀七石一在金六甲高
灘溝中有屋基園林共租五石一在朗三甲郭家溝
白雲寺租穀七石一在朗五甲葫蘆村租穀四石五
斗有屋基園林山土一在朗七甲魏家巷租穀十八
石
新買田一在金一甲城南水洞租穀六石一在金一

甲戴家橋租穀四石又猪市垠學士園屋租銀二兩
一在朗三甲牛青山張家溝租穀五石共計收租九
十九石洋川書院修金穀三十八石卽在其中除春
秋二祭

聖誕魁會納糧外所餘僅十餘石以爲補修之費

並採冊

明詹淑創建文廟碑記播故有學遭僣逆而廢聖
天子不忍播胥淪溺赫然遣六師平之余脩眞資
陽改令茲土當草昧之初與民更始崇禮讓興文
教俾人民改觀易聽知所適從則尤化民成俗之
大端也初抵望草值歲首卽草茨中設朝位率鄉

民山呼賀萬歲俾苗方知君臣禮迨卜今治於左
建茅三間西向爲釋奠地其後署三間余住其中
止主僕二三人近奉上德歲俸倍增因以濫額付
寮友廖君主計分給里民樸實者募匠伐木及運
造工費甲辰冬卜吉通詳請建

文廟先因郡邑五城衙宇一時竝建工費繁劇止創府
州兩學餘悉從緩余因改府庠司訓以及府州兩
學廩糧五十石五屬各均十石士民請追查逃故
土田量徵價以充費庶幾不動公帑不增民賦學
校開而文運起爲百世觀前道左轄崔公主其事

曾以西事去中格不行值城垣告竣廖君銳意興
工日董兵匠次第運修廊檐棖題悉如法不數月
而廟成壯麗軒豁允稱宮庠幕寮李君雅與同志
樹櫺星垣屏平基浚池計基闊二十一丈池前荒
田五畝零仍登壇外循城剝田三十五畝零竝畱
爲學田規模粗備廖李兩君暨諸士民囑余志其
事余安足以承之惟是學校之有關於綱紀風俗
匪細故也昔太白記袁州學謂秦以方強促漢以
積叢綿而推原於學校之廢興良探本之論哉矧
播淪胥八百年一旦改土設流固將移風易俗而

不於學校加意何以脫苗習而化頑梗猶不畊獲
菑畚而欲豐裕也難矣綏通黔疆苗多出沒防兵
且未議撤遲二三年藉以董治學宮特易易耳余
行矣嗣余而來者必有以興起斯文爲已任而克
襄厥事者用脩述建

廟始末於左

明馮士奇建綏陽縣學碑記我太祖迅掃元兇肇
造寰宇偃武之初首崇文教薄海內外靡不建學
宮任師儒播雖西鄙未嘗無學故時著科目及逆
酋柄事歲尚屠戮詩書禮樂之教漸滅殆盡而學

始廢迨天厭酋虐殲全播而置郡邑綏始復有學
焉然肇造之初卽素王之宮止於粗建餘仍缺焉
辛丑冬余蒞斯土展

聖廟顧瞻良久慨焉傷之乃進諸生而嘆曰綏陽設縣十
有餘年學宮制猶未備何以妥

先師而令多士居肄成業哉幸營繕有兵無勞民力採木
有山無費公帑陶冶犒賞之需省薄俸可給遂鳩
工庇材防兵中梓者石者咸就役簿尉韓君邦泰
朱君樓千總郭君行達董其事始於壬子之春正
成於甲寅之仲秋殿廡堂祠齋房戟門櫺星門無

不鱗鱗翼翼鬱鬱赫赫稱壯觀焉亦何曾勞一民
動一帑哉因復進諸生而嘆曰夫修廢舉墜興賢
育才上之責也學古入官輸忠報國士之分也方
今聖天子崇文敷教釐正文體薄海內外翕然維
新諸生其何以應之綏邑山水環峙氣局不凡自
尹珍而下如白震冉從周輩科目輝映由來久矣
諸生豈後於昔人而不以之自期哉吾人讀書要
必道德事功文章節義可以名世斯無忝於先聖
斯無負於今日建學造士之意假令入聞絃誦出
悅紛華藉詩書爲梯媒嗜富貴如饑渴或悠悠自

棄或泯泯無聞將貽譏於儒雅豈必望於多士噫
多士其念之哉

國朝陳明經重修綏陽縣學碑記古者建國居民必設
之學學之中奉先聖賢之慎言行敦倫紀者而虔
祀焉所以教人之學也自後世用科舉而學者每
不務其實其視學也不以爲觀法之地而直以爲
乞靈之宮此白鹿洞之辨義利不啻垂涕而道也
議者遂以科舉爲實學之害而余以爲非也善學
科舉者科舉正足以見實學實學之害害于不善
學科舉者耳夫科舉之業若帖括皆足以發明君

臣父子夫婦昆弟朋友之道是必務乎其實取大學所謂格致誠正修齊治平者究諸心見諸行而後著爲言者精微之理親切可思事機之宜淺深悉中也然則科舉與實學一而已矣雖間有剽竊之徒僥倖獲售乃主司之偶誤目爲實學耳而恬然以爲得計卒之德業無聞至於一事敗露千古蒙羞是人以科舉而顯學以科目而壞非學之過而人之過也亦大負古人設學置科之意矣庚午冬爲邑侯張君浴齋蒞任之次年以學宮久廢建議重修予旣深喜而倡捐以勸其事暨落成又屬

予記因辭不獲略舉數言以應更惟張侯以楚麻
城名進士令綬期年政治人和公餘每進諸生而
說毛詩以示所謂性情之正忠孝之全者今又力
爲此舉善哉張侯之學誠有用之科舉矣綬人士
其則而象之且因以信予之所論爲不誣云康熙
三十一年邑人某記

聖廟形勢雄秀棟宇巍義附室宮牆修理完善惟楹前兩
臺石工尙略至春秋二祭動支公項銀八兩僅敦
辦諸品而太牢未脩余於秋祭時勉捐純犢正思

工必續修祀宜嘗繼適有來告者曰斯學也創修于前侯詹公支公重建于前侯鄭公補葺于前侯李公及學博張公而鄭公之重建也曾有變賣白雲廢寺之案尙有欺隱田肆分土一幅屢經行查至前任楊公定爲積穀充公之案予查卷宗因命附近生員劉祥清算接年侵蝕穀石量追銀二十二兩八錢修葺兩臺尅日完工竝親往清復界址因白雲寺舊有銅佛現供洞清寺于肆分中將任氏田一分焚獻銅佛石搭頭一分焚獻朗水梓潼閣其張氏田小龍池二分每年課佃收租六石五

斗平木臺山土一段一并移交儒學經管每年收
租變價承辦春秋二祭太牢其糧務肆股均攤計
租庶典禮可嘗繼勒茲碑碣用垂永久是爲記
晏斯盛新建綏陽魁閣碑記遵義守蘇君爲予言
往昔司鐸師宗見塑魁像者傀儡譎詭躑躅僂僂
直成魍魎憑意爲像而不知像之意也因爲指畫
塑之其首三峯其髮赤其面方韶其耳深其目長
其鼻隆起其口寬其胸廣其腹果其手特舉其足
特立首之三峯髮之赤爲丙丁離火面之方韶耳
之深目之長爲英髦爲聰爲明鼻之隆起口之寬

爲出入元氣吐納風雲胸之廣腹之果手與足之
特舉特立爲錦繡爲珠璣府爲擎天拔地蓋魁之
爲文首從田足從几傍從斗似之斯言是已竊又
攷天文魁也者北斗首四星也其三星爲杓十二
建辰視厥所指分至啟閉悉判於此此天文綱領
也而四星又爲之首故名物之首稱魁然近世學
宮多建樓閣塑像祀之者以紫微垣間斗四星之
前連屬文昌六星合兩像觀之斗魁四星又若爲
文昌六星之首而或者遂假借意想而爲之像豈
有此鬼形異質而且首髮而顏耳目鼻口胸腹手

足之具備也哉太守於師宗曾塑之而有效矣今
又鼓舞綏之士而塑之於學宮之巽方砌石爲臺
高八尺上起層樓樓三重高聳四丈面崇峯俯秀
水巍然傑出也夫爲民守者愛士之至至望其立
身揚名孜孜汲汲如慈嚴祖父之於其子孫而默
假神道以相之則其心所鼓舞欲其成立必不能
以少待實有不可名言者而志之所至氣有必至
又安見綏邑之士不駸駸日上也哉雖然像也者
意也得意斯得像有像斯有事意與事修而學存
將所爲稽古勵行篤實輝光以發爲文章徵於事

業耆於是乎著倘不爲其意而像是求如修老佞
釋耆之香花於魁之像與義其有當乎綏在遵爲
名邑士之秀俊者不乏當必有得其意實其事以
慰太守志耆爲之記以俟之

並綏陽志

仁懷縣

明平播設縣知縣陳王道於分司前創

先師殿及櫺星門餘未備學官方議設生員尙附府學

孫志

國朝康熙八年巡撫張德地題請專設時舊宇盡毀至二

十四年知縣趙宏基始復建

陳志

四十三年始設學於

舊縣四十八年知縣胡書思五十一年知縣何雨相

繼增修雍正十年移縣治於生界知縣杜詮遷建新
城東北隅貴州志宮牆卑狹日久漸傾乾隆四十五六
兩年知縣程正坤補修四十九年正坤復倡捐重修
至五十三年畢功有自撰記此後修補未詳嘉慶以
來復就圯道光九年署知縣黃仕騏倡捐重修至十
九年署知縣郎汝琳陸續整理漸復如制

崇聖祠 在大成殿

名宦祠 在大成門左

鄉賢祠 在大成門右

明倫堂 在文廟

國朝乾隆十三年知縣盧文起教諭費大有典史陳麟同建

尊經閣在

祭器庫在

教諭署在文廟

訓導署在文廟

按二署採訪冊載有大堂川堂而他未詳

學田

詳未

程正坤重修仁懷縣學記新符

文廟建於雍正癸丑暨今五十餘年矣宮牆卑狹日久漸

傾坤以巳亥承乏時值多事公役弗遑越明年始崇修

聖賢神位飾以硃金又明年倡修垣牆塗丹如制適代婺川欲宏宮而未之及甲辰冬自婺川回見兩廡已毀祠宇殿門非舊因集紳士首倡捐金乙巳春鳩工庀材就其急者而布之先建兩廡大成門並崇聖祠各增三尺深廣如之旋有平越之代歲除甫回丙午夏復權松桃尋改遵邑丁未冬始得回仁舉未竟之志嘉平望暨

大成殿今三月落成蓋遷延久而成功若斯之難也茲余

亦將去而功猶未備竊惟建邑設都學宮爲重壇
壝祠祀

聖廟爲先殿宇之廢墜有時人事之尊崇弗替望賢宮而
起敬孰不有芹香泮水之思乃計功程事厯數年
而規模初舉又以見藏事維艱而修補宜亟繼自
今凡我同事其以時觀省俾多厯年所永隆廟貌
至爭自濯磨人文蔚起則在都人士自立坤亦不
敢以學記陳言謬爲妄勗爰書興作顛末以弁石
首士諸君子姓名備列於陰乾隆五十三年五月

並採
冊

書院

義學考棚附

按孫志白平播改流方在逆酋禁學之後士著者
初出湯火有造爲難新附者喘息間關尋師未暇
至萬厯三十六年知府孫敏政舉行鄉約諭民遵
奉高皇帝教訓子孫功令又檄五州縣各于城鄉
村里擇地建社學考擇司教社置一人或二三人
于是遵義縣始建社學一十四所社師十四人正
安州二所五人桐梓縣二十二所二十二入綏陽
縣二十七所二十七人仁懷縣二十二所二十二
人都社學八十七所社師九十人遵人文教實開

于此陳志載

國朝康熙二十一年奉院司札通行府州縣飭令建設義學擇人司教涖其土者贄以資廩而不載學于何所遵郡紀事義學考亦不著所在意當時草創未竟尙無成規也

湘川書院 在東門外澤門黨縣學宮左側乾隆五十一年丙午紳士徐準唐惟克等呈請重修啟秀書院知府劉詔陞以啟秀介府署試院間喧闐湫隘非讀書所宜與知縣程正坤教授夏文炯選購學宮旁陳姓隙地遂合五邑損貲別建書院經始乾隆丁未

仲夏於戊申仲秋落成建講堂三楹顏曰近聖前庭
前階前二門三楹前階前大門三楹顏曰湘川書院
堂後階上建屋五楹東西廂各三楹以居掌教堂東
西二齋各屋九間以居諸生庖廩垣墉什物咸備增
肄業生膏火于培英啟秀兩院舊田租外益以仁懷
歸官田十九畝遵義縣歸官田二十二畝每月膏火
視正附課人數酌給又于二門房左右各建齋舍三
間嘉慶乙亥主講李騰華重葺後堂東廂新增庖廩
一間以復原制更倡于講堂西偏設知府劉詔陞神
牌祀焉時以講庭西砌生二芝因緣砌曲折編竹植

柵名其中曰芝廐曰竹徑曰柏疇曰桃蹊曰橘塏總
名曰藝圃道光三年癸未知縣福森重葺主講歸府
延致冊稿

順治九年題准每鄉置社學一區擇其文義通曉行
誼謹厚者補充社師免其差役量給廩餼養贍提學
按臨日造姓名冊申報查考

康熙四十五年議准黔省府州縣衛俱設義學准土
司生童肄業頒發

御書文教遐宣匾額奉懸各學並學政按是時遵義尚屬四
川故未及

雍正元年奉

上諭各直省現任官員自立生祠書院令改爲義學延師授徒以廣文教

又議准州縣設學多在城市鄉民居住遼遠不能到學照順治九年例州縣于大鄉鉅堡各置社學擇生員學優行端者補充社師免其差役量給廩餼凡近鄉子弟年十二以上二十以內有志學文者俱令入學肄業仍造名冊于學臣按臨之日申報查考如社學中有能文進學者將社師從優獎賞如怠于教習鑽營充補查出褫革并該管官嚴加議處務期啟發

蒙童成就倭父以備三代黨庠術序之法

雍正十一年欽奉

諭各省學校之外地方大吏每有設立書院聚集生徒講誦肄業者朕臨御以來時時以教育人材爲念但稔聞書院之設實有裨蓋者少而浮墓虛名者多是以未曾飭令各省通行蓋欲徐徐有待而後頒降諭旨也近見各省大吏漸知崇尚實政不事沽名邀譽之爲而讀書應舉之人亦頗能屏去浮囂之習則建立書院擇一省文行兼優之士讀書其中使之朝夕講誦整躬飭行有所成就俾遠近士子觀感奮發亦興賢育才之一道也督撫駐劄之所爲

省會之地著該督撫商酌舉行各賜帑金一千兩將來士子羣聚讀書須預爲籌畫資其膏火以垂永久其不足者在于存公銀內支用封疆大吏等竝有化導士子之職各宜殫心奉行黜浮崇實以儲國家菁莪棫樸之選如此則書院之設有裨益于士習文風而無流弊乃朕之所厚望也特諭欽此

乾隆元年奉

上諭書院之制所以導進人材廣學校所不及我

世宗憲皇帝命設之省會發帑金以資膏火恩意至渥也古者鄉學之秀始升於國然其時諸侯之國皆有學今府州

縣學竝建而無遞升之法國子監雖設於京師而道里遼遠四方之士不能胥會則書院卽古侯國之學也居講席者固宜老成宿望而從遊之士亦必立品勤學爭自濯磨俾相觀而善庶人材成就足備朝廷任使不負教育之意若僅攻舉業已爲儒者末務况藉爲聲氣之資游揚之具內無益於身心外無裨於民物卽降而求文章成名足希古之立言者亦不多得寧養士之初旨耶該部卽行文各省督撫學政凡書院之長必選經明行修足爲多士模範者以禮聘請負笈生徒必擇鄉里秀異沉潛學問者肄業其中其恃才放誕佻達不羈之士不得濫入書院中酌倣

朱子曰鹿洞規條立之儀節以檢束其身倣分年讀書之法予之程課使貫通乎經史有不率教者則擯斥弗畱學臣三年任滿咨訪考覈如果教術可觀人材興起各加獎勵六年之後著有成效奏請酌量議敘諸生中才器尤異者准令薦舉一二以示鼓舞

乾隆二年議准社學之設著有成例其黔省地處偏僻或有未經設立之處應再行文該督遵照雍正九年定例飭令州縣官酌量奉行至量加廩餼動何錢糧令該督隨地酌辦

乾隆十年議准書院肄業士子應令院長擇其資稟

優異者將經學史學治術諸書畱心講貫而以其餘
功兼及對偶聲律之學其資質難强者當先攻八股
窮究專經然後徐及餘經以及史學治術對偶聲律
至每月之課仍以八股爲主或論或策或表或判聽
酌量兼試能兼長者聽酌賞以示鼓勵

並學政全書

劉詔陞建修湘川書院記學校爲育才之地書院
則以濟學校之所不及也學校以官爲師卽寓法
于敎書院之設于官者則官爲擇師專主于敎其
卽古者黨庠術序之遺而變通之歟方今

壽考作人化遠遐荒百餘年黔省人才蔚起皆出於學校

而書院之設各守州縣皆然遵義居上游之北郡
城故有書院二所隸府縣乾隆壬辰前守于公合
而一之建啟秀書院萃五屬生童肄業其中舊有
田一百九十七畝歲收租息百金有奇除長教束
脩外不敷肄業生膏火貲遠方負笈來者往往僦
屋寄餐於旅次余來守茲郡恭謁

先師畢至書院見其牆垣破壞棖桷摧頽不亟修則且廢
又地介府署試院間衙鼓喧闐市塵湫隘於游息
非宜思擇地移建適闔屬紳士以捐修請攝遵義
邑宰程君正坤慨然有同志爰偕教授夏君文炯

廣爲相度于城東門外縣學宮旁購得陳姓隙地
移建于茲修費則募諸地方殷實之家量力捐助
焉爰鳩工庇材經始乾隆丁未仲夏落成于戊申
仲秋大二門各三楹由二門內厯階升講堂三楹
顏曰近聖以其地鄰學宮故名後建屋三楹掌教
居之東廂房五間講堂東西二齋各屋九間以居
肄業諸生庖廩垣墉几案椅橙諸物莫不咸備肄
業生膏火貲則益以仁懷歸官田十九畝遵義縣
歸官田二十二畝每月膏火視正附課人數酌給
併進諸生而告之以正教之意焉夫古者黨庠術

序之教先德行而後文藝及其時之出而負耒耜者
卽入而橫經今則士與民分而其教不盡古若顧
萃一方之秀良循循于規矩準繩中氣質于是變
化焉性情于是陶融焉士尙文藝不能自外德性
也欣逢

文治日隆郡人士涵濡

聖教文風之盛甲通省而習俗移人或樸而流于野或直
而失之率陶融變化之方其在溫文爾雅和平中
正之則乎其所以正本清源者曷惟培養方寸
地俾有基勿壞而已諸生勉旃士爲四民首當不

自菲薄卓然振拔于流俗之外庶幾真不愧爲讀書人而文教之興自有蒸蒸日上者余忝守茲樂觀厥成豈徒科名鼎盛云爾哉是爲記乾隆五十

三年孟秋

刻石

黃鑒湘川書院藝圃序播郡城東隅前太守劉公研莊移建義學顏曰湘川書院嘉慶乙亥大中丞慶公薦吾友鄴芸徵君爲山長春風化雨多士翕然用是今太守趙公仍聘畱講席去秋徵君倡立劉公祠于講堂西偏學舍今春以堂之上楹東偏舊舍朽不可居圍牆亦低且圯乃整其舍新增庖

漚一間以復原建五間規制牆則量易楹西之石
築以土以所易石高堅其低圯者而于楹前後隙
地並條穢芟蕪補綴所宜旣修且飾當徵君來未
數月西牆內砌壞木根茁二芝叢竹自生曲緣砌
茂今年老芝腹再膚環邊層茁而大之此天表厥
異靈產有應與徵君因名其處曰芝廡廡之下曰
竹徑又下則高砌有柏蒼然獨立干雲曰柏障東
舍之砌與竹徑對大桃雙株曰桃蹊其下高砌三
橘樹迤邐牆陰而下上曰橘塏殆取春華秋實成
蹊不化枳之義凡爲廡爲徑爲障爲蹊爲塏皆編

竹爲欄區界曲折玲明四通中砌高階則竹柵屏
門門以內雜蒔花卉隨時統其名曰藝圃亦有取
於文圃游藝自寄其意且以隱最多士也乎夫藏
脩有所游息有地此儒者分內事惟徵君知之而
已任之鳩工閱月不惜費不憚勞其器量有大過
人者余與徵君久交適入遵邑幕復得朝夕談文
爲快別時樂觀厥成故序嘉慶二年

癸未

啟秀書院 在府治右試院左舊爲遵義府義學

國朝康熙五十六年知府趙光榮知縣邱紀建捐置田租
貴州通志舊名育才書院督學孫士毅易今名乾隆三十

五年知府于方柱知縣沈鹿鳴以湘川育才兩書院
歲入租穀不足供肄業生童遂台兩院爲一葺育才
之舍諱以湘江脯資歲止延一師令生童俱歸育才
肄業當日章程育才歲入穀六十八石地租銀一兩
五錢除銀四兩三錢五分納賦外以三十石爲束脩
餘作膏火役食湘江歲入穀三十石二斗地租銀五
錢額取生童二十五名各給膏火穀一石二斗餘穀
一斗銀五錢給承辦學書紙筆額外爲附課遇缺拔
補本縣學官董其事歲終冊報府縣月定官課二次
首卷給筆資一錢五分二三名各一錢二分于棚租

內給發月課飯食府縣捐備旋以大四甲紫霞山寺
租饒訟多紳士王以純等計限制杜訟公議畱四十
二石二斗資寺僧餘穀二十三石二斗並沙溪里地
租銀二兩五錢作月課飯食府署側有民居公地租
一兩有奇存備修葺之費並奉府批准移學遵行諸
生勒石院中時講堂西更建學舍三間庖次一所院
中什器俱捐製各備今講堂一階下兩廊廳事一下
左爲看司房前木坊一卽爲頭門周繚以垣堂後隙
地甚空闊歲歸知縣延師

冊檔

孫士毅敬秀書院記黔之士如其地然弁澁而少

華椒脆皆童阜也黔之文如其居然襍揉而失次
庖漏而無異位也使者瞿如怒如而不能以安壬
辰夏至且蘭旣局衿弁而試之翌日校邇邑童子
七百有奇閱其文烝烝遂遂飫醇而嚙馘其于道
也幾矣異之詢邑之宰同年友沈虛谷知其地舊
有育才湘川兩書院額用率不足於供肄業生偃
偃流浪至輒散于君中齋守是邦能恤士虛谷白
其狀鳩工葺育才之舍而益湘川之脯資奉一臯
比用稍贍兩君復捐俸俸之綴學之士緝緝來歸
悉其力於藝文用是大進兩君之用心亦摯矣事

患弗克勑耳今規制已具嚮風者眾絃誦聲琅琅如吳越後之宦斯土者踵而行之收效愈遠其不使前人獨爲君子可知矣諸生校藝處爲起秀堂余仍其意而叅以士衡論文之旨顏之曰啟秀書院有相之道秀斯實焉播之人士蓋亦勉乎哉乾隆壬辰季夏

刻碑

培英書院 在湘川之麓

國朝康熙五十四年知縣邱紀建卽通志所載遵義縣義學在城東南者也舊名湘江書院又名湘川書院自知府劉詔陞別建湘川書院於縣學左始易今名前

臨街後背江紀創學舍五間周繚以垣顏其門曰湘江書院知府趙光榮更拓前除建廳三間兩廊列廡舍乾隆三十四年己丑知縣周大烜重修定其地前至大街後至河流共十八丈餘左右五家歲租各銀五錢錢五百納交本縣道光八年知縣繆玉成補葺今東西廊已折毀院歸知縣延師主講三書院現在田畝章程見後

冊檔

李先立湘江書院記湘江書院今太守趙公暨邑侯邱公先後新建也公博學鴻才湛深經術初蒞政按校邑中諸典故秩秩皆修獨社學之建闕焉

不講慮其無以育成後進也而切切以爲意旣逾
年紀綱庶政洪纖畢舉行視郡南得官地一區背
山臨水宏廠嚴正乃捐俸度材鳩工興作建立學
舍五間講堂生舍射圃臺觀皆具繚以周垣豎立
門屏榜曰湘江書院雜植叢篁嘉卉幽雅蒼秀足
供游泳前鄉貢進士蕭子智昌學深養厚延爲塾
師廣集俊髦育德興行論文講學日有程月有課
春秋寒暑弗間也太守趙公繼至尤以倡明正學
爲已任首咨政要顧而樂之嘆曰美矣而未脩也
益分清俸恢拓前除更立廳事五間翼以兩廊前

楹後棟東房西室以及堂塗階序戶牖軒砌動合
典要執經請業有堂藏修游息有地賓客往來有
所凡升降周旋於其間者靡不躬翼翼而步于于
也禮法文物之觀始于是而大成適蕭子讀禮而
去時學博古君某鄒君某邃學醇古君子也乃俾
鄒君專領庠務古君總攬其成兼延爲師席以主
其院一時共事諸公主持文教後先濟美於戲盛
哉諸生因謀勒石以誌久遠兩公謙讓弗許乃走
書於予曰事之盛者難爲繼兩公謙德雖讓美不
居而肇造始末可容缺諸余甚樂其事之盛而可

傳也雖不文不敢辭余亦烏能記哉昔先王疆理天下建學育才其在王畿曰辟雍頒於侯國曰泮宮散步於民間者家有塾黨有庠術有序當其時無地非學無人不學宜人才之盛度越今古也漢唐而降代有沿革學之建于上者未之有改鄉黨術序之學布在民間者廢墜無餘家自爲教人自爲師學術異同不能畫一而老師宿儒雖各以其學教授其鄉土未能及遠邊隅僻壤長谷深山寧無英俊其湮沒于授受無傳者不知凡幾矣自唐李君寬石鼓書院首建于衡嗣是而白鹿鵝湖嵩

陽武夷之屬所在興起遂與州縣之學同行並盛而所及尤廣蓋州縣之學建自朝廷惟文學諸生得與若書院之興皆賢士大夫畱意斯文者所建兼收並育願學者皆得入焉尤養正之初基也兩公理繁治劇簿書鞅掌日無寧晷而乃拳拳于此是誠知所先務者則其所以裨文運而啟後學其功亦何偉哉雖然兩公之爲是舉也其加惠我子弟者深且遠矣而諸生之學于其中當孝弟忠信以敦其質溫恭厚重以固其基本之經史以正其學體之身心以見其行先生施教弟子是率遵聞

行知循途漸進其發爲文章自然閎中肆外有體有用取重於時垂聲於後將諸生得書院以有成書院藉諸生以不朽此則兩公建置書院之深意也若徒涉獵聲華博取科目僥倖一得以自滿足不惟非諸生所宜爲其負兩公作育之盛心也不旣多哉諸君子毋徒勒之金石以遺後人爲也趙公諱光榮字某某陝西某縣人邱公諱紀字某某廣東某縣人並記于此使人識所從來且知士君子之所爲迴出尋常萬萬因爲次其創建始末而推本其意如此兩公倘以爲聊備梗概姑存之以

俟後之相繼而爲司牧者或者其可乎然而言之

不文予滋愧矣

筆集

義學

一在城內王公祠一在城南下踏水上教讀

各脩金二十兩知縣捐給又一大三甲撥就近棚

租十五石給之扣折銀二十四兩

冊檔

考棚

在府署右遵義自順治十七年平定後時四

川分四道每道設一考棚郡一州四縣生童歲科試

俱各助棚費就棚考試始往夔州繼重慶康熙七年

戊申闔郡生員以三年兩試遠赴渝棚富者旣艱于

跋涉貧者更苦于措資千里往還多致裹足又適奉

裁道缺遺有空署足供學道駐劄局試生童因其呈
府縣詳請學道孫允恭臨遵考試卽以道署爲考棚
勒碑學內繼此至康熙十四年乙卯學道張含輝張
萃科歲並就遵棚後復調至渝棚兩試科歲至二十
二年癸亥學道馮雲驤至三十年辛未學道江皋周
燦並至遵棚繼王家棟爲學道復行調考至四十二
年癸未知府王元弼據闔郡紳士呈請力詳各憲請
爲遵義奏懇專設一棚時庠生羅大昌隨摺赴部郡
人李先立時令保定之新安大昌先立長子之妻父
也道新安謀于先立先立亦自呈部部議准專棚奉

俞允著爲例四十四年乙酉學院劉謙臨遵考試前二十餘
年因知府寓在道署臨考時礙難屢遷遂在今府署
右建一試廠十餘年未行臨試俱已頽敗至此乃卽
舊址爲院署草創未畢因以縣署代焉試竣經歷王
士偉與諸生張元昱陳登第杜思賢鄭珙姜燮勸捐
督脩千總段啟俸復捐甬壁外地至四十六年丁亥
院署始成知府趙光榮撥置公田以爲棚費而四十
七年戊子復調至渝棚歲考四十八年己丑學院王
奕清始臨遵科試自是歲科兩考學院俱就遵棚矣
五十二年癸巳以去歲旱仍行文調考以府縣申請

不果五十四年乙未學院廖廣謨歲試諸生以科歲
兩往返多迎送費公請並行科考學院曲從之是年
科歲兩考是後並三年兩考矣採遵郡紀事及杜思賢行狀心齋隨筆
嘉慶二十年三月知府趙遵律署知縣裘申錄經始
重修知縣徐晚蘭繼之二十四年四月落成較前宏
敞號卓橙皆易以石採碑記

學田 康熙五十六年知府趙光榮撥置嗣後知府
焦爾厚劉詔陞劉榮黼屢有增撥一在永安里三甲
龍塘租穀陸拾捌石租銀壹兩伍錢條糧銀叁兩玖錢玖分陸釐捌毫
又一下村彎穀拾貳石銀捌兩糧陸錢玖分一樂

安里三甲興隆寺穀拾捌石以糧壹兩式錢又一禹門

寺穀肆石式斗伍升一忠莊里八甲大

蘭地穀叁石肆糧式錢壹分一平水里九甲龍女塘銀

伍兩寺糧大興一北隅里七甲謝家寨穀式拾柒石伍

錢陸分一大溪里四甲紫霞山穀伍拾叁石糧式兩捌

第一一大八甲龍源寺穀式拾石銀伍兩糧壹兩叁錢

一東隅里又五甲費家寺穀拾式石壹斗陸升兩糧壹

錢式分一樂五甲龍得寺穀拾捌石伍升銀伍錢糧

兩式分一忠七甲福源寺穀拾石糧自一永三甲

柒釐銀肆兩一通平里四甲高山寺租銀捌兩

一 大十甲永安寺穀拾捌石柒斗糧肆錢陸分柒釐叁

一 沙溪里七甲犀牛塘銀叁兩糧壹錢玖分

歲共收租穀貳百陸拾肆石壹斗陸升向折銀每石

柒捌錢壹兩不等至嘉慶二十三年知府劉榮黼以

折租太輕酌照市平價定每石折銀壹兩陸錢其折

銀肆百貳拾貳兩陸錢伍分伍釐加租銀叁拾伍兩

其肆百伍拾柒兩陸錢伍分伍釐除條糧銀拾伍兩

少壹釐實銀肆百肆拾貳兩陸錢伍分伍釐冊

棚田 康熙五十六年知府趙光榮撥置凡二十二

所一東隅里四甲雙龍寺租穀貳石貳斗伍升條糧銀叁

錢柒分以 一通平里四甲永興寺穀壹石柒斗糧人

分式釐 一通八甲後寺穀式石陸斗銀壹錢肆分

柒毫 又天臺寺穀肆斗伍升銀壹錢糧陸分陸 一通十

甲麻氏廟穀壹石壹斗糧壹錢叁分 一樂安里一甲

雨臺山穀式石銀壹錢糧叁錢壹分 又一底壩寺穀

式石式斗伍升銀式錢柒釐玖毫 一樂三甲西竺

庵穀伍石式斗銀式錢伍分玖釐壹毫 一樂五甲

巴陽寺穀陸石銀式錢糧壹兩叁分 一樂六甲歸源

寺穀拾陸石叁斗糧式兩柒錢 一樂十甲沈家山穀

式石陸斗銀捌錢分柒毫 一忠莊里六甲太平寺

穀壹石式斗糧式錢柒分一平水里三甲莊頭寺穀

叁石伍斗叁糧玖錢叁分一西隅里五甲天臺寺穀叁

石式斗銀玖錢陸糧柒錢壹分一北隅里三甲何家庵

穀壹石陸斗分伍陸錢肆一北九甲老木水穀肆石伍

斗銀壹錢分玖陸一永安里二甲雞喉關一大溪

里五甲雞喉關其穀拾陸石伍斗銀壹兩柒錢式永糧

陸錢陸釐叁毫大糧一永六甲土臺寺穀捌石錢捌

壹兩柒分伍釐伍毫式一大四甲白石堰穀式石玖糧式錢柒分一大八

甲銀壹兩糧叁錢伍分捌一天旺里一甲點

燈寺穀肆石捌斗式糧伍錢肆分一天三甲水口寺穀

叁石捌斗毫以上碑刻祠後增置並加租二十一

處一東七甲二郎穀肆斗一東八甲寶珠寺穀柒

石捌捌錢陸分一通三甲得果寺穀壹石捌捌錢肆分

一樂六甲歸源寺增穀叁石柒斗一樂九甲沈家山

增穀壹石肆斗一南隅里九甲下官田穀肆石銀壹

兩式錢捌式錢式分又一水口寺穀壹石伍斗捌式錢

分毫一忠六甲太平寺增穀捌斗一平九甲

田土十八處其穀伍拾陸石式斗伍升銀叁兩伍

錢柒分糧壹兩玖錢玖分一西五甲天臺寺增銀陸

錢又一照理穀壹石銀壹兩糧叁錢式分一西又五

甲官場窩穀式石糧錢分一西再七甲穆周堡

穀肆石現糧捌毫一天一甲點燈寺增穀壹石式

斗一天又九甲貞惠穀壹石銀壹錢式分糧捌一沙

五甲梅子溝穀式石糧壹錢捌分一沙七甲

穀肆石銀伍錢肆分錢一北九甲老木水增穀式石

一永二甲雞喉關並大五甲雞喉關共增穀柒石伍

斗銀伍錢一永五甲穀壹石伍斗糧式錢叁

毫一永六甲劉公祠穀拾式石糧叁錢叁一大四甲

白石堰增穀肆石叁斗一大八甲改銀壹兩

為穀壹石肆斗

歲共收租穀貳百拾壹石玖斗伍升租銀拾肆兩肆
分向折租銀每石柒捌錢壹兩不等至嘉慶二十三
年知府劉榮黼以折價太輕酌照市平價定每石折
銀壹兩陸錢共折銀叁百叁拾玖兩壹錢貳分加土
租銀拾肆兩肆分共叁百伍拾叁兩壹錢陸分除條
糧銀貳拾貳兩壹錢陸分多壹分實銀叁百叁拾壹
兩

以上三書院學田並棚田除扣糧外共折租銀柒百
柒拾叁兩陸錢伍分先是學田爲三書院師生脩米
膏火不足則知縣捐幫棚田爲學政考試幫費並分

以助

壇廟祭需自榮黼酌定租價後酌撥棚田贏項助書院議

定章程湘川山長脩金歲百兩薪水叁拾陸兩聘贄

三節共貳拾兩米拾貳京石扣銀拾貳兩共銀百陸拾捌兩

啟秀培英各脩金肆拾兩道光四年知府于國琇各

增叁拾貳兩聘贄節米同棚共貳百生童三院會試膏

火給自二月始十一月終生員正十名月名捌錢副

十名月名肆錢童生正十名月名肆錢副十名月名

叁錢道光八年知縣繆玉成增額外童生十名月名

壹錢伍分監院文冊費月壹兩伍錢課日以初二試

卷工料生童飯食各月壹兩貳錢

共貳百肆拾肆兩

共陸百

貳拾兩自榮黼後知縣盧建基黃安瀾相繼減去豪
黠佃租銀百叁拾貳兩肆錢於是餘者僅貳拾餘兩
棚費諸項皆縣捐幫前知縣福森曾一究理尋置之
道光八年知縣繆玉成撥貳拾肆兩助大里義學十
七年知府平翰以三院生童人額太狹膏火太絀議
府縣各捐銀百兩定增額行之一年餘翰去遂已

冊

並檔

趙光榮考棚碑爲酌撥公田培學校以恤寒毇事
致治之道教化宜先興學之本愛養是急邇郡處

在邊徼元氣尚未全復各屬士子類多單寒困敝
半耕半讀之人從前歲科兩試就棚渝城道里遙
遠生童俱以跋涉爲苦因赴郡具呈倣照舊規設
棚於邊思蒙各學憲親臨考試諸生永免遠赴之
苦惟學憲往來夫馬長途需費以及臨棚供應原
係各屬生童公同幫湊上不累官下不累民然夫
馬必先僱倩往辦棚廠及應用什物等項又須預
備修理安置其如各生童必俟學憲臨按然後陸
續到郡不能先濟其事所以前項需費議出管棚
生員先行借墊不免拮据之苦原議生員每名伍

錢柒分童生式錢柒捌分不等但多士窮窘捉襟
肘見本府目擊其間故於昨之歲科兩試諭令兩
學每生名下酌量免去式錢費有不敷俱係本府
捐助以勸厥事使寒生輕便樂從獨是守土之官
俸金有限恐將來不能復繼年久事弛終不免爲
諸生之累本府慮後之念時刻不忘置者此其一
若夫本府來此邦淡泊自矢仰體

皇上崇儒重道督院與各憲興行教化之意因府縣兩學
文廟及魁星樓坍塌已久本府捐俸修理今已煥然聿新
又見遵民困苦不能家絃戶誦除在城內照舊設

立義館又於東關外與該縣創修湘川書院一所捐金延師以專訓迪俾貧寒子弟得以負笈從師學業有進頻年近悅遠來及門濟濟矣惟慮本府他日量移後之來者必更畱心書院造士育賢然恐地方事日漸繁簿書拮据力不能應則在院塾師豈能枵腹談文門前桃李何由執經問難若講帳無人館事又廢窮苦子弟雖欲進一簣之功仍乏肄業之所將見應考稀少必致宮牆冷落能不爲遠近生童思前慮後期有始有終乎此本府之諄諄繫念者又共一至府縣兩學各設司鐸二員

朝廷因職受祿頒給俸薪自應畱心訓誨毋負職守但別
省鄉邑猶或設有學田散給貧士之外稍有餘剩
亦可借以自給遵義郡縣原無學田兩官同食俸
分領有限若末量力體恤有負上憲生成本府憐
此寒羶每欲資助其如無術點金因是厯懷夙昔
者又其一凡此三者俱皆眼前急務本府再四籌
畫查通平里田土地方每每告稱有荒廢庵觀寺
廟傾頽已久瓦礫坵墟欲使重建招僧則荒涼地
面勢有不能所有當日常住糧田或爲連界豪強
霸種或爲別寺額外貪占且招後悔致遺里甲空

賠糧賦者往往有之與其委之於無用之地不若充諸公田猶可稍補急務隨檄據該縣將各處傾廢寺廟遺糧開報詳覆前來本府設長酌議分別支給除湘川書院府縣兩學公田另於書院儒學碑記開載勒石外所有撥給考棚田地共二十三處其田糧叁拾兩肆錢零約計租穀每歲玖拾餘石土租銀伍兩肆錢零俱令兩學新設齋長經管收租支用計自五十九年爲始三年卽有租穀貳百柒拾餘石土租銀拾伍兩零除按年納賦外其餘悉爲學憲臨邛夫馬供應之用有此糧田收貯

穀價臨時可免周章無預先加利借墊之事許多
輕簡卽尙有不足諸生共幫亦屬有限較之從前
豈不大爲穩便乎今將撥給田糧里甲畝數租穀
若干糧額若干逐一分晰開載勒石以垂永久惟
願官師士民共相體諒各爲遵守勿滋後弊有負
本府慎始要終之苦心也

刻碑

正安州

古鳳書院 在州治右卽貴州通志所載正安義學
也州舊有樂源書院樂道書館相傳俱漢儒尹珍授
學處今不存古鳳建于

國朝雍正十一年知州張元鈺乾隆五十二年知州羅才
標重修講堂三間東西書舍十間講堂上建魁星樓
後堂三間及左右廂房改爲鳴鳳書院嘉慶十年知
州李兆梅以龍塘寺租穀肆拾石合白甲窩地租錢
柒千作掌教薪水之費嘉慶十六年知州趙宜霖重
修正安志道光十七年知府平翰署知州周溶十八年
署知州魯秉禮勸捐重修冊檔
官租 白甲窩田土租錢柒千龍塘寺租穀肆拾石
新田 道光十七八年知府平翰署知州周溶魯秉
禮相繼勸捐置一在田垠一在上塘石垠一在官庄

埧中埧一在新出溝廟灣一在下塘石埧一在蔡家溝一在木營一在唐氏埧一在紅崖一在新田埧凡十處歲收租穀叁百京石變價石率錢貳千得陸百

歲支掌教脩膳銀壹百貳拾兩生員十五名膏火錢月捌百文自二月至十一月童生十五名膏火錢月陸百文自二月至十一月每月初二官課獎資錢超等生員五名第一伍百餘各叁百上取童生五名第一肆百餘各式百每月十六堂課獎資錢超等生員第一伍百至三名各肆百特等前七名各叁百上取

童生第一肆百至三名各叁百次取前七名各式百課卷錢歲壹拾貳千看院工食歲伍千以上經費歲餘積存待鄉試年均作生監賓興之費其舊收龍塘寺租穀肆拾京石撥作西門義學延師脩資

西門義學 在西門內道光十八年署知州周溶勸捐建

桐梓縣

縣向未設立書院

國朝康熙二十一年奉行建義學知縣賈國樞建學三處

一在城內

按貴州通志桐梓義學在城內康熙二十三年建

一于東芝里一

于蘆溪里

同梓賈志

俱廢雍正八年知縣邱仲旦復建一

所于城內

同梓邱志

十二年知府蘇霖泓知縣鄭廷颺重

修

貴州通志

乾隆中知縣王偉任重修今附文昌宮在官

渡河右

縣志訪

學租

東里租米壹石捌斗伍升夜里龍洞寺租銀

貳拾兩官基地租銀拾壹兩伍錢婁里官基地租銀

肆兩

歲支山長館金叁拾陸兩米肆石尙有不足諸生膏

米未設

棉冊

綏陽縣

洋川書院

卽貴州通志綏陽義學在崇聖祠後者

國朝雍正八年知縣唐椿建以後修補未詳今在明倫堂

右道光

年知縣張夢驥重修講堂三間旁舍四間

下房三間

採訪冊

新添書院

在

上舍三間後三間左右考

棚十六間前有大門二門道光十七年知縣李毓馨

募建

採訪冊

雲臺閣鄉學

在南門外黎家堡側知縣張夢驥建

同上

按綏陽志有培文堂在城南二里內雲台寺明知

縣詹淑建至

國朝乾隆初傾圯知縣王起龍時旋有侵占寺田之控起

龍親勘以有土田無堂寺暫將應入租穀附學經
收以修建夢驥所建卽此地田今爲學田詳

山長歲脩穀肆拾石冊

仁懷縣

懷陽書院 在

國朝乾隆二十四年建

培基書院 在

國朝嘉慶八年知縣陳熙建並

學冊

義學 在學署側舊為訓導署後移訓導駐舊城以

署為義學乾懷志

官莊 在 歲收租穀其

其變價銀壹百零貳兩

歲支懷陽山長脩膳銀陸拾捌兩米拾石聘金路費
銀肆兩培基山長脩膳銀叁拾兩米拾貳石聘金路
費銀肆兩尙有不敷生童膏火未設冊